

《續修四庫全書》編纂委員會編

續修四庫全書

上海古籍出版社

孫徵君日譜錄存二

〔清〕孫奇逢撰

據湖北省圖書館藏清光緒
十一年刻本影印原書版框
高一六八毫米寬二六八毫米

五五九・史部・傳記類

孫徵君日譜錄存三十六卷（卷十六至卷三十六）〔清〕孫奇逢撰……………一

三魚堂日記十卷〔清〕陸隴其撰……………四五七

採硫日記三卷〔清〕郁永河撰……………六〇三

迎鑾日記三卷〔清〕宋 犖撰……………六三三

西藏日記不分卷〔清〕允 禮撰……………六九一

詞垣日記一卷〔清〕帥方蔚撰……………七二五

轉漕日記四卷〔清〕李 鈞撰……………七四三

求闕齋日記類鈔二卷〔清〕曾國藩撰 王啟原輯……………八一五

五五九・史部・傳記類

孫徵君日譜錄存卷之十六

順治十八年辛丑七十八歲

後學 通州唐 莊 校訂

存卷之十六

四月

初一日

別公路 翁園作客日之子喜頻過靜氣宜花石閒
心入辟蘿謀生滿世拙向友古人多歸路蘇門便
吾廬近邵窩

初二日

日譜

卷十六

兩兄自嵩嶽歸述兩室勝槩恍如置身於六十峯之
下歸夏峯當爲一記以當臥遊

登封令阮節庵遣與馬相迎以衰病不能赴嵩少之

約悵然賦此 長賦停雲對簡編臨河獨返剡溪

船遙瞻蘭蓂花爲郭曾望鳬飛令是仙風雨何人

觀二室夢魂連夜過前山山靈笑我癡癯甚虛負籃

輿自往還

初三日

別翁園主人歸主人遣使討其中途宿止之地途遇

王君祥赴蜀名山令仍作字寄方伯楊猶龍

孫徵君日譜錄存 卷一六

晚宿單懷城外南尚莊爲行場宗伯別墅

顧伯玉來迎欲掃舊榻下之不得往

初四日

郭九如沈禹錫來迎禹錫欲邀入城以行迫辭之

伯玉手書 僕平生以友朋爲性命今近八十矣

離友朋之樂無樂也有朋則山可樂水可樂即無

山無水亦可樂然我之所謂朋者固非泛泛類一

種有識趣人能起于匡其不逮然未可輕得也軍

懷顧子伯玉其庶幾乎去而來來來不忍去臨路

索書付此志勉

日譜

卷十六

二

晚宿中道庄

宗伯竹園有作 宗伯一頃竹栽栽欲插天深林可

避世甯直不聞喧喧來稽玩輩託此亦稱賢此皆

入唱竹未窺竹之全清心與直節竹德有固然製

器前民用種竹勝種田誰知此一物三事俱備焉

我來臥其下魂夢覺清妍更肅衛武公滴瀟洞斐

然宗伯晚晴學氣化失其權流水響四圍明月照

前川勝遊應有述爲作竹林篇

初五日

登月山 有引 嘗聞友人談月山勝似不能登曉其

上辛丑四月自河陽歸薛宗伯達人等之始得作
竟日遊參崖登閣望太行舊屋與黃河丹沁諸山
水皆歷歷在目舉酒賦詩聊記歲月八旬老子尚
於山靈有緣也 爭聞明月山笑兀孤筇雖短興
勃然無心翻作盡情遊攜幼穿林忘恍惚高閣危
峯欲疲山僧佐之以蔬核極目中原指顧間嵩
嶽黃河恣飛越頓頭省滯欲歸雲洞口正啣初出
月

示萬鍾和尚 既不使酒養高歌便當坐禪消妄想
告子勿求釋氏宗誰人於此能尋響

日譜

卷十六

三

初六日

至修武訪范晴麓爲設榻因前其子一范有約口占
以贈 中原推世德蘭桂復多賢學廢千年後道
聞一日先甲兵元素裕風雅又爭傳好下南州榻
閒留野客眠

初七日

漏下一刻始抵夏舉

初八日

始聞第二女孫云亡既憐其早失母又傷其未見父
撫棺而慟者久之因謂諸子曰前王夢航太史女

歸甯病垂危欲送之夫家夫適應試於汴舅姑
■宦中夫馬已備而不忍其女之絕氣於途也
於予予曰此便見慈父之心俗忌何足■兒甫

十九年歸五載既無母諸母皆其母也况其婿亦
在此讀書生死俱可無憾矣前日之告夢航者殆

若爲今日■過二日老柩於舍東孝子廬復爲詩

一章■人生第一慘無母曰何恃總之此苦腸女

更不同子憶汝于歸時欲語不忍視主歲聞汝病

每從中夜起今茲來歸甯舉家皆樂只憐汝父出

遊絕不問家累比歸汝云亡撫棺慟何已乃知兒

日譜

卷十六

四

女情老年更難底

初十日

告親友 又孫云亡寒門薄德凡我親友見顧者如
與孫婿有知請入賜弔其餘尊客聚不敢勞禮固
各有主也

十二日

王五修自金陵寄書數百言搜剔微隱絕無自欺欺
人之言此羅文恭嫡派也學者不痛無將就冒認
到底只是的然第聞人有指摘陽明者意便不平
此亦是爲前入爭門面第求信心不必角口

蘇迴瀾名東在從二千里外致書修世好也其尊人
袁慶儀封廣文生平相與久而善予以出遊不及
親作報故紀之為存此段友誼

王君祥名麟尤以書代贊

孫文正公曾孫存字易叔過訪夏峯修世好也

十三日

東許蘭陵 河陽領教邀有天絲嵩少之遊未果歸

途登月山頗足快天下事以有意失之無意得之

者大都多類是抵舍即欲趨晤因歲年長路神瘁

形勞尚稽此日前付揚猶龍方伯一函昨名山王

日譜

卷十六

五

命過翁圖已面領去前札不必致也

十四日

送別蘭陵 年來舊夢邇州月蜀道乘驢自衛河峽

嶺每從雲裏見旌軒重得雨中過題碑到處詩筒

滿考俗殊方紀事多偏遇滇山相問訊為言蹤跡

久蹉跎

十五日

世之所以聞人者此晝夜耳自上古中古以至叔季

無非此晝夜之循環也人之所以閱世者亦此晝

夜耳自少而壯自壯而老無非此晝夜之循環也

有道時之晝夜安而樂無道時之晝夜促而憂非
晝夜不同而晝夜之所以閱人者不同也聖賢豪
傑之晝夜俯仰無慙姦雄庸愚之晝夜食寢有愧
非晝夜異而人之所以閱晝夜者異也從古此晝
夜從古此閱晝夜之人生而死死而生猶之晝而
夜夜而晝故易曰知晝夜則知死生之說此理甚
明輪迴之言愚昧殊不可解

十六日

贈李郎 連陵孫 懿祖詞壇久著名君能投筆續家聲

兩番過我思前好濁酒孤村對月明

日譜

卷十六

六

十九日

李國礎聯第後不 廷試歸省蘇門口占以贈 蘇

門山水幽且此中有伊人砥波聲短褐茅屋帶孤

雲書聲陸隴林間起日手芸編對前賢家在穀皇

絕世界一朝射策走長安姓名驚注千佛裏簇錦

飛花趁馬蹄獨歸子舍煥菽水剝啄勞君顧夏峯

孤村濁酒挹蘭芷相對忘言意自深悠然實念君

子履端盡此時邵公寓姚許後先同一軌願言晨

夕素心人水色空濠山氣紫

二十二日

揭蓮六構斯暨諸兒過百泉爲彭子凡築墓○叔夫
五載此中遊占得青山土半印回首夏峯留戀意
欲仁仁得更何求

二十三

與田華石 弟自覃懷歸來讀先生所刻示諸生文
戚先生虛懷過甚鼓舞後學之意過切弟雖荒廢
愧非其人然亦不敢自外第有所見其不可者不
敢不告道喪學荒之後此事從不經人講說忽聞
此言人便驚許轉相傳語波浪易生程朱不免於
僞學况其下焉者乎弟謂此事求同志共學之人

日譜

卷十六

七

不可得即平其情和其氣而不作危言激論者恐
亦難其人也昨以問病人城因病不能支遂不及
趨晤先生果不見棄相隔非遙旬月之間可以一
會實有志於此道其聽其自來先生亦勿太癡心
也

二十四

信社題辭 以文會友以友輔仁此孔子會約也又
曰朋友信之蓋必主於信而後文章在是性道亦
在是則信天下萬世取友之極則也世之季也友
道凌夷凶終孽末總成於不相信耳遂至感慨於

一人知己足不恨管鮑之後不復有管鮑噫友道
至是尙忍言哉新鄉尙生戚如讀書孟莊志在求
友以輔仁也因與尙兒淫孫賢馬耿諸子結爲文
社來請社名并社中條約予名曰信社且以喜聞
過戒勝心真實求信相勉勿徒襲取會文故事也
社中細碎之約是在諸子酌而定之務使有常而
已

二十五

答韓子新 歸來值有女孫之慟然以感觸勞瘁衰
年遂不堪支今漸次復如初矣僕念吾大常出門

日譜

卷十六

八

須家中安頓妥貼再作出遊此身精神幾何全然
花費在外面內便無主此真切之言不知果見信
否

二十七

語蓮陸 學問無自得處到底是襲取徒切心勞然
非深造決無自得果熟則甘香出其中非覓而得
之也 學問到自得處便不膠於一轍雷雖行雨
未能催晴認定喜王生怒王殺既不得情焉能知
性 學問之道上因乎天而不與時逆下因乎地
而不與利逆中因乎人而不與和逆一逆則到處

謬是天地之戮民也人情難平惡其不平也急欲平之相激相搏其不平也轉甚何如靜以俟之駭混排天因風作勢風恬則浪自寂矣嘗聞貧則是道世上只有此一字可以安於無事之天顯名者禍亦夥厚實者壽亦厚古今同慨張文定不治窮畧之僕三十年不以告人只此誠度何事不平何力不辦身隱者無濁名神隱者無清名古今抱道之士不必有抱道之名皆所稱神隱者也精神無主洗高實其名在浮薄之世適足爲愚本耳

日譜

卷十六

九

二十九日

與諸子曰忍耐不厭人乞假此仁人之存心也忍耐不輕乞假於人此志士之處已也朝乞一毫暮乞一毫則鳥不棲其林而况人可數求乎
與范射虛 軍機歸來見督水公告多士文一幀弟竊自愧面督水公亦未免多此一著講說也從來學禁正病在多講孝弟力田人人具足只躬行二字終身不能盡多一講說便生支節支節生而偽學起矣程朱且不免况其下焉者乎弟已向督水公囑其收拾此念老壯翁亦不必向人多此一著

語頭也

五月

初一日

孝弟力田是人生第一等事盛世之風也世道衰微人心巧偽只是不孝弟不力田耳此段風氣到底銷鑠不盡時於田夫野叟見之雖猶然愚民之行也哉却是天地渾樸之氣散而未盡散者將留於夫婦之愚故曰夫婦之愚可以與知焉夫婦之不肖可以能行焉子行將次第其人焉之立傳偶談於此

日譜

卷十六

十

初二日

哭李允繩 允繩訃來適子臥病既不能憑棺又不能爲位伏枕流涕語無倫次聊以寄哀嗣圖爲君立傳也 憶惜孔從初結契君爲吾友之季弟嗣後吾與君聯姻猶之彌子子路妻君內尚爾稱女兄君兄事我毫無異因之友好四十年出入追隨已兩世君也攜家先出門擺脫塵緣無留滯師門宗旨君能窺到處指示雲日變成安夏峯鬱相望守者行者無遠成君之心事我所知總不欲隱述離際何必東海與西山只此已完拜墓誓厭不足

也。總有餘二者不著。河長逝。病臥哭。君泪已零。悲風日暮。門獨閉。

初三日

問交曰。欲全交。宜慎交。君子定交。而後處交。定則不改。嘗見友人刻蘭譜。一面半面之識。皆列焉。其人之生不絕。不問嗣後相見顏色姓名。總不記憶。友道之謂何。而泛濫至此。

初四日

總之一字。可施之於人。不可施之於己。直之一字。可施之於己。不可施之於人。今皆反用之。金忠節云。

日語

卷十六

十一

言惡不及人。言善不及身。此而不留意焉。忠信亡矣。

初五日

無事不生事。意常安閒。有事不避事。神常鼓舞。若而人者。必所謂夢傑之士。

初六日

理會本原。而脫畧於事物者。離精微而求廣大。有此廣大。乎離中庸。而求高明。有此高明。乎致知力行。不離日用飲食之常。而得夫無聲無臭之妙。此聖學所以先我知也。

初七日

書金忠節語錄後。予廿餘年。自謂識金忠節。誰知未嘗識忠節也。向止以忠節守。多讀書。抗節殉義。足盡忠節之大。而不知其守貧。賴書抗節殉義。皆從深造自得中。從容出之。不覺矜激。不用安排。真所稱聞道其人。與連日讀此。編不忍釋。手多剝解。發前人所未發。宗傳錄中。不能不為君置一身也。其說具在。請質海內學道諸君子。

初八日

藏密於無形。靜而無一物。吉凶與民同患。而萬物各

日語

卷十六

十二

得其所。堯舜孔孟之道。六經四書之旨。總不出此。得此要領。靜非守寂。動非玩物。求志於天地之位。萬物之育。氣象宛然。達道也。而聲色不大觀聞。俱冥淵默。仍故此方。是全體大用之學。

初九日

惛靜而存養。是存養。循此。歷歷動而省察。是省察。箇甚。歷歷曰動。靜各止。其所放有存養省察之可言。在靜而養其動之源。在動而察其靜之機。此盡人以合天之道也。至若衆人以形質有蔽之身。涉事物無窮之變。曰向於動。在靜亦動。動靜皆非。刻刻皆此。

氣之奔逸放恣安所施存養省察之功哉不識得
不觀不聞卻主用戒慎恐懼在賢精神耳子曰智
者動仁者靜此得夫動靜之體者也不言省察自
無不省察不言存養自無不存養延平教人靜坐
觀喜怒哀樂未發氣象庶乎存養之意焉欲善動
亦必自能靜始故程子見人靜坐輒嘆其善學

初十日

子曰無爲而治者其舜也與蓋謂帝德重華臣民救
應其人安止其道光明治極矣乃虞廷授受何以
曰人心危而道心微我嘗思之此深明天道之言

日譜

卷十六

三

重其責於爲君之意非過激之語也自天地闢而
陰陽五行之氣日流行遷轉於其中孤陽常不能
勝衆陰故人心危而道心微勢必急須參贊位育
之至誠至聖以維持天地萬物於不毀然後危者
安而微者著皇帝王皆參贊位育之人即霸者雖
曰驩虞小補補偏救敝功亦非小若危而聽其危
則甘食悅色之欲不有以提防之勢必鄰於禽獸
微而聽其微也幾希夜氣之良不有以長養之勢
必至於帶亡大君以元后作父母靡人事非天道
可以難自誤乎禹承之而曰后克艱厥后臣克艱

歷臣是真知人心危而道心微矣知危則安清寧
位育皆人事惡乎危知微則著草木瘴著皆吾道
惡乎微是之謂精是之謂一危微氏象而無言天
命之性也問唐氏一言而盡率性之道也有虞氏
十六字傳禹修德之教也三者一也四千年來人
心之危者愈危道心之微者愈微然不能不望於
作君作師之聖人

十一日

答李舍生 尤繩作古凌斷者果日然有貴縣二三

君子爲莫逆交生生死死俱有所託此便足了解

日譜

卷十六

四

墓門門之事又何憾焉至楓寄清齋費煩主人周
族不言勞古人之誼於今再見矣聞王栗都門作
主遂立見相會此時歸來否等聲意僕氣弱聲啞
齒痛連年多病初無好懷獨喜嗜書然亦不能多
觀耳性甫兄弟當大事此時正好理會子與云無
財不可爲悅孔子曰檢身長形未爲不幸但論有
愧無愧不論有財無財也不能一一作字統此見
意

不能人口即知冷熱不能入眼即別黑白畢竟是浮
游影響之見慈湖如何是本心未經斷屑之指不

終是信不及自己信不及惡能得人之相信

十一日

朱勉齋論學以盡人倫體天理六字爲至金伯玉極服其躬行實踐人不可及嗚呼盡之矣堯舜周孔豈能出六字外勉齋撫宣時以忠憤激勵將士其思死守不能守矢以死殉遺書伯玉以子弟相託伯玉報云宣或不守天下事殆有不忍言者弟職任皇城事果不濟必且授命大內宣鎮都城右臂無恙則已否則公候我黃泉不數日當相見耳二公定見定力竟各如其意此躬行實踐學問

日譜

卷十六

五

龜山語錄云今學者不知學成要作何用夫學者所以學聞道也道果聞則富貴貧賤患難何往而不得其用哉故曰朝聞夕可又曰四十五十而無聞斯不足畏其望人之有聞也亦甚切矣然道卒無自見其聞也學至孔子終身只是見德未修善未從過未改其志食忘憂不知老之將至者到底無告學成自謂聞道之時真實聞道之人偏覺素

十四日

肯綮引 甚矣我人之不可不知學也不知學則耳

日譜

卷十六

六

目之視聽手足之持行日用之飲食居然人也而本心已失夜氣難存任斧斤之伐恣牛羊之牧而且以爲快心娛志焉總因不學遂至於是江東吳子聖開以視其弟於河北來遊泉上因過余余初接而知其爲學人也嗣是而過輒不忍去辛丑夏仲以其肯綮三十條則實余語語窺其大論本體論工夫皆有源委非苟於立言者余益嘉聖開乃深於學者也就其所質而一一相商絕無扞格夫道喪學荒之後有二人之明是即一人之行也人有一日之明是即一日之行也一人一日之明且行不可謂非大海之一勺泰山之一簣也傳景驥夜來有得於仁象山知之景驥知之乃知同此視聽同此持行同此日用飲食而知學者時物行生當飛魚躍自有生惡可已之機不知學者貿貿然行之不著習之不察終其身墮而不知悟亦可哀已處廷危復構一學之源也未有學之名傳說之進高宗也曰學於古訓乃有獲迄孔而好古敏求于古學脈始統會於一身近而顏曾思孟遠而周程張朱皆所以衍其脈也當今之世衍此脈者實難其人然此脈無斷而不續之理則寄之於幾

希作見之良平日清明之頃者其端倪仍在耳聖
開思欲以已一日之明者欲與人共明思欲以已
一日之行者欲與人共行此就正意也余嘉其意
題數言於其首過原武當出以示張子天章天章
之意亦猶大吳子之意也

十五日

因聖開有欲集諸友同講習之意令諸子若孫肅衣
冠進前而語聖開曰我輩談學宜先清闇的之介
此君子小人分門也實實從事親從兄信友做起
此便是真學問朋來可朋不來亦可實之不修而

日譜

卷十六

七

謬邀高譽究且不得譽而得譽多一不知學之人
便多一生事端之口有何益矣就目前一二烟友
各有身分不為君辱則愚昧諸子若孫亦頗知名
誼借君啟發充拓歎其逸氣收其放心表朽固樂
此佳子弟聖開豈不樂多賢友乎不真實從闇然
處者手做工夫務立講學名目為已耶為人耶
過去者不宜係縲未來者不必將迎獨有見在之
一刻不可悠忽以漫嘗視之所謂素位也如君來
視汝弟十餘年相別他鄉聚首友于之情既翁之
好有無限樂意存焉生人之面目此時正好體認

如過子夏峯此係取友之事友鄉國友天下友于

古所關於身心者亦豈細故受益受損俱宜默勘

此皆是學之所在見前之位在此則見前之學即

在此稍悠忽便非行素何云自得

石與居鹿豕與遊則木石鹿豕皆友也達人領土

友竹友松友梅皆以寄其友直友諒友多聞之意

君以取友出門坐中有良友豈容覲面失之三無

道臥眉端無煩惱胸中無機械口中無雌黃友之

益莫益於此矣馬子痛二親之慘死而絕意功名

傷結髮之客亡而粒不再續勁骨冷面不輕見貴

日譜

卷十六

六

人此皆千里士也諸子暨孫願知慕悅有道君肯

一鼓舞激發雖不足當松竹梅君不虛深山一遊

矣

十六日

兼山堂會語 人之所以異於禽獸者幾希此言令

人凜然稍不自愛則淪於禽獸矣危哉然欲免於

禽獸者全恃有朋友講習講其所以遠於禽獸者

安在而盡心力以習其事如專以口說則其違禽

獸也仍不遠矣要時時做遷善改過工夫夫子至

聖向憂聞義不能徙不善不能改我輩只一自認

爲義徒認爲無過即非君子之存便成庶民之主
豈不危哉存者以仁存以禮存去者去其仁去其
禮無仁無禮不居然一禽獸也耶我輩不必侈言
爲聖爲賢只求不爲禽獸可矣

十七日

會語 吾黨士凡能自好稍有執持者皆其有意見
者也不知意見二字最害事勝氣凌物是已非人
學者第一要治此病此病不能破除畢竟是一自
賢自知之人而已矣安望其入德而聞道哉舜之
舍己舍此意見也孔子毋意毋此意見也顏之克

日譜

卷十六

九

已克此意見也意見各不同雖有淺深理欲總之
孰而不化能破除心虛無物物來自能順應我輩
吃緊功夫全在此仲由喜聞過令名無窮焉爾等
嘿嘿自省勿欺勿諱時時刻刻全力破除此件此
事真實爲已學問外不必多講以恣口說

十八日

催樂輪 皇陵之金葉士俱不免于日涓滴之獻
爾將我輩不忘故主之意云爾他何問先帝
遺骸孤鬼侵僭陵有詔勸輸金漫云涓滴成何用
但現不忘故主心

十九日

商周之際道在箕子忠在頑民此義正可系觀洪範

一篇備天地生生之大德萬物生民恃以爲載武
之心既可對湯箕之心自可以諒武明夷之五著
其位其天行之變而有常者與頑民沐股賢聖思
澤之厚知爲殷之臣子而已矣道固各有在也說
者云果公體陽德而不置於陰許魯齊行道於元
之季其於箕子殆幾幾乎曰箕子以賓師自處故
能重道狄許委貲爲臣自不可同日語耳

二十日

誠能動物不誠而獲高譽者未免入的然一路

日譜

卷十六

十

二十五日

午睡 僻巷宜娛老息心更覺閒無人非上古閉戶
即深山味薄猶堪暇詩荒總不刪羣兒爭索果一
笑慰癡頑

六月

初一日

懷張報劬 醴氣含藏舊新例始到君方達七閱月
寢隔舊重雲暑冷心偏熱刑清德自芬開來寢望
旋搖首對斜廳

初五日

讀易大旨完另有錄本

初六日

兩馬生急弟兄之難事在聞臬司宋王叔為作字贈
于新代達其意傳見稿另有存

初七日

為刁公望作墓表大旨入藏寒二集

初八日

考忌日 最怕是今夕嚴親見背時終身喪謂此幸

若益增悲

為連陸母壽大旨入藏寒二集

日譜

卷十六

三

初九日

為連陸父墓誌大旨入藏寒二集

初十日

為李繩立傳大旨入藏寒二集

十一日

新雜岳與其令高月廣有陳子新策字解之傳見稿另有存

十二日

題記事引入藏寒二集

十三日

兼山堂書話 學問有源頭有枝派從源頭三三合

綱舉而目自張從枝派處討求窮年乾乾到底無

得何謂源頭性是也性乃天之所命健順五常之

德無一不備孔子性相近孟子道性善皆謂此干

聖萬賢總是一箇源頭非此源頭便是旁門曲

徑性無善無不善有性善有性不善性可以為善

可以為不善三說者從習後相遠處言之皆無病

若謂性無善性有不善性可以為不善則失之矣

告子性無善無不善卻是從源頭處說所以為禪

宗也即相遠之後由惛惛差惡能證是非而驗之

其相近之性猶在性學不明世所以無真儒耳一

日譜

卷十六

三

却中庸若復性功夫張子變化氣質亦是復性西

銘一篇統論仁體而其著手處自不虛言不妄動

蹈我輩但時時提醒勿令此心昏昧放逸不忠厚

頭不清楚也

十六日

會語錄入信社

寧國吳聖開獲喜職鳴皋原武張天章俱於望日前

前至夏峯值連宵大雨賦此 不速三人冒暑來

荒苦迷徑待君開更欣時雨連宵且欲稿生機一

夕遇

報夾侍 賢契不能來之苦已悉之不知不來之苦
當更甚耳不起復何以告病學師不能作至張堂
不自發乃事將家姻事集望眼已穿而漠然罔聞
此事老夫既與聞其說當何顏以對彼家也莊事
房事聞俱中變總皆因不來之故當速作歸計一
到家便無難處之事長途疲頓成何男子不盡之
言耿忠能道之

二十日

萬應閣東林諸君子退而講學海內負滿名者爭相
引重而黨人則深惡其軋已聞執其一二瑕疵者

日譜

卷十六

五

以相譴調指清議為橫議陰護其所挾隨之人以
備天下之口甲寅乙卯間其說始大熾無錫葉茂
才字余之官南太僕抗疏闢之以謂夾裂國論敗
壞人心莫此為甚當是時言者方雄唱雌和引經
批根茂才眈眈孤踪忽發譏議羣驚且患聚族而
攻之業不敵不隨端生肆應果疏乞歸言者卒無
以磨蓋善毀者必不能使廉為貪信為躁其素所
蓄積然也天啟中閹禍將作葉已退休不及於難
高忠憲之逮也慷慨急難以免其子入取節續錄

二十一日

崇禎十二年十二月三十日吳橋陷劉廷訓死

之廷訓順天之通州人兵掠畿南縣令謀棄城走
君要止之率眾以守凡三月每嘗執鞭引去已而
盡銳力攻令縋城遁去君入學舍處其妾趙去屬
其稚孫於所署伯隆貴介而趨南城暫守者曰守
死逃亦死曷若守死為滿城忠義鬼乎眾皆願為
君死守三日夜城三隅擾亂獨南城晏然敵肉薄
而登如塘引射矢在衣甲血朱殷穴胸而出濡繼
屬於履君猶強自力束胸拒戰連中六矢乃仆沒
年六十有五弟吏部君廷諫為之錄實入取節續錄
錄文忠門

日譜

卷十六

五

二十二日

戊寅高陽陷文正公闔門死之博野王秀才文正公
婿也亦死焉秀才王教官之第三子孫高苑令銓
稱其為人俊拔退讓攻苦力學死年二十有一知
其奉養假僮非庸庸佼佼者也秀才之死既非望
風逃遁定當握拳裂眦引頸就刃進而陪文正公
之後乘登頓九天迴翔帝所退而與諸子相從英
魂灝氣乘雷載雲匿薄宇宙之間秀才雖死猶不
死也惜失其名入取節續錄

二十三日

日譜

卷十一

三

三雲上疏曰阿保重於趙婦禁旅近於唐末蕭牆之禍係於戎狄宵人爲之昨指鹿山楊忠烈勃閣二十四罪等舉抗論繼之極論廷杖非祖制日後世史臣書之曰某年某月工部郎萬燦以言某事死杖下可不爲惜哉乙丑黨禍大作楊左諸君考死公除名爲民丙寅以繼監就逮繫坐獄考掠體無完膚慷慨談笑抵死不少屈臨難賦詩南北向叩頭以謝君父丙寅閏六月朔日也年四十有三越五日出獄肌肉澤爛頭面不可別識矣南樂附

二十四日

天啟中羣小嗾逆奄與大獄謀殺應山桐城嘉善等

日譜

卷十六

美

客汪文言不詔獄考問無所得之而謀曰先是紅撫之獄刑部顧員外大章引八議議罷廷弼廷弼楚人也顧員外楊左之黨人也以繫獄生顧以調通坐楊左則諸人一網盡矣顧已調兵和再調禮部出爲陝西副使奉嚴旨逮繫與楊左六人並下詔獄五人後先考死移公下刑部獄命法司定爰書公慷慨對簿曰某奉旨送法司據招定罪豈容復辨欲辨則抗聖旨也不辨則自欺本心欺法司且欺天下後世是亦欺皇上也不抗即欺無一而可且五人者皆前死矣借某以實五人之招則某既自認服又代五人誣服何以見五人地下乎明公能昭雪此案則萬代瞻仰不然有鎮撫厚招在已自誤曰汪文言猶能爲賈高我獨不能乎吾不可以再辱矣呼酒與其弟大夏從弟大武訣別起和樂飲之未絕復雉經而卒天啟乙丑九月十四日也年五十常熟人萬曆丁未進士

二十五日

嘉定李芳字茂村舉高層壬辰進士選翰林院庶吉士踰年而卒妻沈氏年二十有六截髮撫三歲孤宜之底於成立天啟七年巡撫何史士其事於朝